



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Vitae Sanctorvm**

complectens sanctos Mensium, Ivlivm Avgvstvm & Septembrem

**Lippeloo, Zacharias**

**Coloniae Agrippinæ, 1603**

Martyrivm S. Gerardi Episcopi Canadiensis in Pannonia: Ex eo quod extat  
apud V. P. laurent. Sur. Coronatus est anno Domini 1042

**urn:nbn:de:hbz:466:1-42728**

Vide C. Ba-  
ron. Not ad  
Martyr.  
Rom.

MARTYRIVM S. GERARDI EPISCO-  
pi Canadiensis in Pannonia : Ex eo quod ex-  
tat apud V. P. Laurent. Sur. Coronatus est anno  
Domini 1042.

24. Septē.  
Patria eim.

GERARDVS insigni pietate & marty-  
rio illustris Venetijs oriundus, vt primū  
robustioris ætatis gradum attigit, iam  
antè monasticæ religionis habitu puer deco-  
ratus, Hierosolymam petere statuebat; vt ibi-  
dem animum oculosque viuificis illis locorū  
mysterijs, quæ Christus quondam nostræ salu-  
tis causa inambulauit, quæque suo sanguine il-  
lustrauit, pasceret. Cumque in Pannoniæ par-  
tes, cuius tunc habenas Christianissimus Rex  
Stephanus moderabatur, venisset, atque ad Re-  
gem itineris sui causam expositurus accessis-  
set, Rex eius moribus & doctrina mirifice de-  
lectatus, clam dimissis socijs, eum apud se in-  
uitum planè retinuit, ei que seruando custodes  
adhibuit. Cernens verò seruus Christi se solū  
in medijs populi tumultibus relictum, vt stre-  
pitus omnes orationi & celæstium rerum stu-  
dio inimicos euitaret, eremum eius regionis,  
quam Beel vocant, petijt: ibidemque precibus  
& ieiunijs toto septennio vacans, soli Mauro  
Monacho cognitus habitauit.

Cogitat Hie-  
rosolymam.

Detinetur in  
Pannonia à  
Rege Ste-  
phano: cuius  
vitam habes  
20. August.  
Abdit se in  
eremo, Beel  
nuncupata.

\* Hungaro-  
rum.  
Educitur ex  
eremo &  
creatur E-  
piscopus.

Interea Rex Stephanus, profligata gentis  
impietate, & \* Barbarorum moribus edomitis,  
vt pacis tranquillitatem in suo Regno adeptus  
est, mox seruum Dei Gerardum ab eremo re-  
uocauit, pontificali que infula decoratum ad  
Euangelij munus exercendum destinauit. Ea  
functione quanquam illibenter suscepta, tanta  
apud



apud omnes loci illius incolas gratia & auctoritate valuit, ut cuncti eum & ut patrem colerent, & vnicè amarent. Itaque crescente indies fidelium numero, summo studio ac vigilantia per singulas vrbes ecclesias extruxit: easque mirificè adornauit, Est ad littus Morisij fluminis templum, eius studio fundatum; insigni sanè opere còspicuum; egregio Christi martyri Georgio sacrum; Sedem Morissenam appellant: in quo Virgini Matri aram erexit; antè quam argenteum collocauit thuribulum; eiusque ministerio duos prouectè & gratis homines adhibuit, qui iugiter illic excubarent, atque operam darent, ne vlla vnquam hora thymia ibi deesset. Singulis quoque Sabbathis cum nouem lectionibus (ut in die Assumptionis eiusdem Sanctissimæ Matris) magnifque laudù præconijs deuotionis suæ officium illic explebat. Ceteris autem diebus matutinis & vespertinis precibus absolutis, bis cum processione eò venire solebat; quæ consuetudo hodieque persenerat. Porrò laudibus & venerationi eiusdem sacratissimæ Virginis tantæ humilitatis obsequio se subdere nouerat, ut si quis reus, clam à sancti viri familiaribus edoctus, veniã ab ipso per nomen matris Christi peteret, mox audito nomine Matris misericordiæ, pater sanctus lachrymis perfunderetur, & perindè ac si ipse reus esset, à reo veniã peteret: filiumque suum fore affirmaret, si eam sincerè Dei genitricem crederet. Ipso auctore, ab Hungarica gente non pronunciatum nomen ipsum Matris Dei, sed Dominam eam vocant. Si verò nomen illius pronunciatum fuerit, statim flexis genibus

*Sedes Morissena: templum S. Georgij.*

*Sūmo studio pietatis Virginem Mariam colit S. Gerardus.*

*Hūgari quomodo reuerenter matrem Dei coluerint.*



bus & demissis in terram capitibus sese inclinant. Atque adeò Pannonia à sancto Rege suo Stephano, familia B. Mariæ appellata est.

*Fecit hoc, ne  
vinum ace-  
scesceret.*

*En quo pa-  
stò corpus in  
seruitutem  
redigat.*

*Magnæ fuit  
misericordiæ  
S. Gerardus.*

Erga ministeria Ecclesiastica, magna beato viro cura & sollicitudo inerat. Aestiuo tempore in domo Dei vascula glacie plena ponebantur; in quibus lagunculæ & vinum, quod posset optimum inueniri, ad Dominici sanguinis consecrationem asseruaretur. Nocturno tempore leprosum in suo reponebat lectulo; & arrepta securi, ad siluam solus pergebat, fasciculosque lignorum pro corporis sui castigatione proprijs humeris indè reportans, seruatorum suorum labores sæpè anteuertebat ac subleuabat. Cum illi de loco in locum proficiscendum erat, nõ iumento, sed vehiculo utebatur: in quo sedens libros à se compositos relegebatur. Vestibus cilicinis & ex arietum pilis confectis frequenter utebatur. Ut autem sanctis hominibus vsuuenire solet, aliquando negligentia aurigæ sui, aut qualibet iniuria læsus, leui ira commotus, iussit protinus hominem reum, flagellis cælum duris vinculis alligari. Parebant verò illi ministri; sed non ignorantes animi eius clementiam & suauitatem, iuxta viam, qua sanctus pater transiturus erat, hominem culpæ obnoxium ad stipitem alligabant; & plagarum vestigia in eius nudo dorso gallinæ aut alterius animantis sanguine exprimebant. Cumque eo peruenisset homo Dei, oblitus seueritatis suæ, ilico è vehiculo exiliens, ad vinctum illum properabat, & modo stipitem, brachia, manus ac vincula, modò pedes osculabatur, munera pollicebatur, si veniam & mise-



miseri cordiam ab homine consequi mereretur. Si cui tum id videre contingeret, illum virum Dei, pro tanta humilitate, & simplicitate dicere non dubitaret, conuersum in puerum illum, quem Saluator imitandum statuit in medio discipulorum suorum.

*Math. 18.*

Et si autem episcopalem functionem & dignitatem summa prudentia administraret, attamen eremum non reliquit: sed apud vrbes, ad quas concionatur pergebat, cellulas sibi in filuarum secretioribus locis construxit, in quibus ligatus pernoctasse, multasque afflictiones, soli Deo cognitatas, pertulisse memoratur. Cum aliquando pro cuiusdam defensione ad B. Stephanum Regem properaret, in eius regionis parte quadam, pecoribus pascendis opportuna, & apta, vir Dei hospitio usus fuit. In ea autem domo sub noctis medium ancilla quaedam versatili mola triticum terebat; laboris molestiam cantilena temperans. Ea autem cantilena expergefactus vir sanctus, ut ex ministro id quod res erat intellexit, mox pijs iufusus lachrymis; ð foelicem, inquit, foeminam, quæ sub alterius potestate constituta debitum seruitutis officium tam suauiter absque vlllo murmure persoluit: iussitque ei non minimum pecuniæ pondus deferri.

*Libenter  
versatur in  
eremo.*

*Debitum  
seruitutis of-  
ficium suauiter  
persoluen-  
dum.*

Postquam autem beatus Rex Stephanus totam Pannoniam ad veram Christi lucem adduxit, ipso die Assumptionis Virginis Mariæ, ipse quoque ad æternam requiem assumptus est. Successit autem ei Petrus Rex; cui cum omnes Pannoniæ principes fidem suam & amorè pariter obligassent, vnus ex eis, illo exturbato, regiam sibi

*Moritur Rex  
Stephanus.*

*Quidam per  
tyrannidem  
occupat reg-  
num.*

sibi



sibi auctoritatem per vim usurpauit. Qui deinde tyrannidem occupas, ipsis sanctis Quadragesimæ diebus honestissimos sui consilij viros, sudibus ac palis perindè vt immunda pecora interficere non dubitauit, Deinde ad Morissenam sedem, Pontificis locum, Paschalia sacramenta celebraturus, & regium diadema ab Antistite Gerardo, vt sperabat, percepturus aduenit. At illo renuente, reliqui pontifices regali diademate tyrannum adornat; ornatumq; magno Cleri & populi comitatu in S. Georgij basilicam deducunt. Ibi tunc zelo iustitiæ sanctus pater repletur, cædida indutus stola ambonem ascendit, Regemque his verbis per interpretationem alloquitur.

*Predicit S. Gerardus impio Regi diuinam vltionem.*

*Predicit suum martirium: & pie sese preparat.*

Cum tu Rex Quadragesimam, peccatoribus quidem pro venia, iustis autem pro premio constitutam, cædibus pollueris, mihi que nomen patris eripueris, per te dulcissimis filijs orbato, nullam hodiè veniam mereris. Et quia pro Christo mortem oppetere paratus sum, tibi quæ euentura sunt pronuntiabo. Anno tertio regni tui gladius vltionis excitabitur in te; qui tibi regnum improba fraude per vim acquisitum pariter cum vita auferet. Vno indè lultro euoluto, & altero inchoato, immanis in gente illa seditio excitata est: in qua cum ad Albam Regalem vir Dei proficisceretur, apud Ecclesiam S. Sabinæ virginis & martyris hospitio vsus, fratribus in cœna instantem certaminis sui diem prædixit. Itaque altera luce peracto Missæ sacrificio, cunctos præsentis panis cælestis fecit participes, letusque ad martirium perrexit. Vbi autem ad Danubium intendit,



tendit, turba populi furore repleta eum circū-  
 fistit lapidumque imbres certatim immittit.  
 Ille verò contra benedictionē & Crucis signū  
 opponens, tunc quidem illæsus permanet. At *Iactantur in*  
 impij homines tandem retortis equorum col- *eum lapides.*  
 lis currum subuertunt, patremque humi deie-  
 ctum magno impetu lapidare conantur. Tum  
 instar protomartyris Stephani primus Panno-  
 niæ martyr, positus in terra genibus, clamauit  
 voce magna; Domine Iesu Christe, ne statuas  
 illis hoc peccatum: quia nesciunt. Hoc cum di- *Moritur lan-*  
 xisset, lancea percussus suauiter expirauit. Eo- *ce a confos-*  
 dem autem die, magna Christianorum strages *sus.*  
 edita est. Corpus verò beati viri cum in loco  
 martyrij sui iaceret, nulla sorde commaculatū  
 sequenti die à Catholicis viris in Ecclesia Dei  
 genitricis conditum est. Multis deindè elapsis  
 diebus, fidissimus sancti viri procurator Regē  
 Andream adiit, orans vt peregrini atque hospi- *Corpus eius*  
 tis patris corpus celeriter restituat. Quo impe- *ad sedem*  
 trato, ad eò nitidum ac luculentum illud inue- *Morissenam*  
 nit, ac si eo die martyrium obijisset. Itaque cum *transfertur.*  
 hymnis & canticis ad Morissenam sedem illud  
 transtulit, ibidemque multa cum reuerentia  
 sepeliuit; vbi multæ gratiæ Catholicis viris  
 collatæ sunt: non tamen adhuc euidenter; vsq; *Is S. Ladis-*  
 ad tempora Ladislai Regis, & Laurentij Anti- *lavi fuit 7.*  
 stitis eius Cathedræ à beato viro quinti. Tum *Hungariæ*  
 siquidem à S. Romanæ Ecclesiæ Synodo iniun- *Rex.*  
 ctum est, vt corpora eorum qui Pannoniam fi- *Eleuatur.*  
 dei prædicatione irrigassent, summo honore  
 afficerentur. Veniente etiam sedis Apostolicæ *Miraculis*  
 Legato, & Nobilium coacto conuentu, sacrum *floret.*  
 huius beati Martyris corpus eleuatū est, atque  
 VVV Regis



*Miraculis  
flore.*

Regis & Principum humeris translatum, honorificeque depositum eo loco, ubi pro meritis tanti patris superna gratia efficiendis & declarandis miraculis largius coruscat.

*Vide C. Baron. Notat.  
ad Martyr.  
Rom. qui i-  
bidem quen-  
dam errorē  
Græcorum  
castigat.  
26. Septē.  
Iustinae pa-  
tria & Pa-  
rentes.*

**MARTYRIVM SS. CYPRIANI, DIA-  
coni Antiocheni, prius Magi; ac Iustinae virgi-  
nis: Ex eo quod extat apud Metaphrastena  
Tempus passionis patet infra.**

*Conversio  
eius ad Chri-  
stum.*

**I**USTINA AEdesio & Cledonia parentibus Antiochię oriunda, primò quidem cum cæteris idolorum cultoribus densis errorū tenebris inuoluta, cum aliquando Praylium diaconū Antiochenū de lapsu primi hominis deque Christi in terrā aduentu, & redemptionis nostræ mysterijs differentem audisset, statim damnata idolorum impietate, ad Christianæ religionis præstantiam animū adiecit. Hinc percepta tenui quadam veritatis luce, attentas quotidie aures diacono præbebat; summaque dulcedine diuinorum mysteriorum cognitione animum pascebat. Iamque ardebat desiderio incredibili matrem eorum participem facere, sine quibus ad veram salutem neminē peruenire posse intelligebat. Igitur die quodam, igne Sancti Spiritus vehementius incensa, matrem adiungens, Et cur, inquit, o mater, Deos hominum manibus fictos formatosque tanta superstitione colimus? Cur artificis opera adoramus? An tu ignoras Galilæos. (sic enim Christi assecles illic habitantes vocare solēt) dijs nostris multò terribiliores esse (Si enim eorum quisquam idolis apparuerit, dij nostri eorum conspiciuntur

*Conatur ma-  
trem Chri-  
stianam fa-  
cere.*